

BIBLIOTHECA VON DER  
UNIVERSITÄT SACHSEN-ANHALT



N. 12b.

PK

1) Chytraeus, D.

Uebt 2) - 19)

2) 11) - 14) Leichenpredigt

Der Frommen Teutschen Becker.

Das ist

**Nothwendige Erma-**  
**nung / an alle Fromme Teutsche / als**  
**denen ihres allgemeinen Vaterlands ruhm vnd**  
**ehr / auch ihrer selbs heil vnd wolfsart / in**  
**alle wege zum höchsten soll**  
**angelegen sein.**



Im Jahr 1582

den andern gebr  
theil ganz vnd ga  
drossen werden  
s rein vnuers  
ein alte Lehr  
diese Predig  
wir es mit and  
/ das wir immer  
hoffnung / vnd  
en / bis vnser  
er allemelend  
ie Laruen abzie  
spiegel / als im  
fichtwerck ist / da  
sicht sehen / vnd  
d. Zu wölkem se  
bille / der Di m  
one / Jesum Chri  
gen Geists / wö  
reiß in alle





# Ein ermanung an die Frommen Teutschen.

**E**n Menschen hat Gott gemacht genosß  
Der gaben sein gar viel vnd groß.  
Hie zu dem zeitlichen Leben  
Gfund Stärck/ viel lusts im hat geben/  
Das gsaß der natur eingebildt/  
Doeh mit bloß wie den Thieren wildt/  
Auch mit vernunfft begabt in hat/  
Das er seins lebens wußt mehr raht.  
Die Thier thun was d natur sie heist/  
Iz ghorfam damit wirt geleist.  
Auff jr Leben/ gfund/vnd erhalt/  
Geben sie jr acht manigfalt.

**I**r aber seind mehr Blind vnd wild/  
Vernunfft/Natur wenig bey vns gilt.  
Vnserm selbst Leben thun wir gewalt/  
Schwach/franck wir vns selbs machen bald/  
Schön/grad/vnd sterck wir vns selbs schwechen/  
Wiß vnd gedechtnus vns zerbrechen/  
Auff tugend bleibt vns klein gedanck/  
Vntugend gehet destmer im schwanck/  
Das Lebend funcklin auch verschwind/  
Das gegen Gott solt sein enkünd/  
Erdrinckt inn vnser fällerey/  
Vnd dar auß folgender schwürmerey.

A 2

Damit

## Ein ermanung an die

**D**umit sich einer möcht betragen  
Vil Tag / muß auff einmal in fragen  
Vnd frist vnd saufft in sich ein Mann /  
Es hetten jr vil gnug daran.  
Sauffen / fressen vnd vol sein /  
Ist worden ehr / vnd so gemein /  
Als wer es vnser thun allein.  
Man spürt / wie Teutsche Nation /  
Darüber thut in abgang gohn.  
An sterck vnd gräde man abnimpt /  
Die alten Held man nit mehr find.  
Das alter das vns gönt Gotts will /  
Verfürben wir zum halben ziel /  
Der alt spruch wird an vns bewert /  
Gefräß vnd gsäuß mehr tödt / danß Schwerdt.  
**T**eutsch lob vnd ehr felt auch drob hin /  
Weil jeden regiert eigener Sinn /  
Weil schier kein zucht / ordnung vnd gsak /  
Wein Teutschen mehr will haben plak /  
Weil nun recht ist / was jedem gfelt /  
Vnd auff gemein muß nichts wirt gestelt /  
Gmein wolfsart die kompt drob in gfar /  
Das Vatterland entgiltß für war /  
Weil es nit besser wirt bedacht /  
So wirts von frembden auch veracht /  
Vnd hie vnd dort von in zerissen /

Wir

## Frommen Teutschen.

Wir thun als ob wir nichts drum wissen.

**D**er Türck der sicht vns nit viel an/  
Bringt man schon z'sam manch redlich m̄  
Vnd vns die not ligt obdem Halsz/

Das gefräß vnd gesauff verderbt's schier als/

Vnd vrsacht/das inn furber frist/

Schier halber theil erkranket ist/

Wann man nit hat vollauff allzeit

So gibt es gleich vnwillige Leut/

Rauben/Blündern den armen Man/

Das will ihm niemand wehren lahn/

Es muß als sein nun beut vnd preis/

Darauff steht vnser sinn vnd fleis/

Die Christen die wir solten retten/

Verderben wir selbs inn irn nöten/

Kein recht noch straff man leiden kan/

Freywill der muß sein fortgang han/

Kein gult vnd eyffer hat nicht platz/

Es ist als vollneid vnd auffsatz/

Kein gelt im Krieg erkleecken will/

So gar ist des vnwesens z'vil.

Finantz vnd trug wirt durch gebracht/

Der arme Knecht wird wenig bedacht/

Wir Kriegen mit ein schlechten rhum/

Die Welt die sagt's gar vmb vnd vmb.

## Ein ermanung an die

**O** Werde Teutsche Nation/  
Wie last dein altes lob abgohn/  
Wie vergift du deine alten ehr/  
Die du ob tausent Jahren her  
Erworben hast in diser Welt/  
Für ander dich hast fürher gsetzt/  
Gezieret vnd fast wol bekleidt  
Mit frombkeit vnd mit biderkeit/  
Mit eiser vnd einmütigkeit/  
Zum gemeinen nuß allzeit bereit/  
Mit warheit vnd mit tapfferkeit/  
Erzeigt allzeit hast bestendigkeit.  
In einfalt vnd gehorsamkeit/  
Wardest du allzeit gern gelent.  
Einzogenheit vnd nüchtereit  
Galt mehr/dann Viehisch girigkeit.  
Ein freyer truß der wont dir bey/  
Solch Gaben dich stätts bhielten frey.  
**S** D groß ward nieder Römer macht/  
Daß sie dich vnters joch gebracht.  
Da schier die Welt von in ward zwingen  
Hats inen doch an dir mislungen/  
Ir macht vnd gewalt an dir erlag/  
Ir glück wand sich von tag zu tag/  
Biß daß du sie vertilgest schier/  
Vnd Keyserthumb zueygnest dir.

Der



## Frommen Teutschen.

**D**er Teutsch nam dazmal breit vnd weit/  
Beherschet Königreich/Land vnd Leut/  
Ein Spiegel der ehren vnd tugend

Find man an der Teutschen Jugend.

Der Adl mit seiner Ritterschafft  
Derselb der war des Adlers krafft/  
Zu streitten allezeit bereit

Fürs Reich vnd die gerechtigkeit.

Der musste sein vntadelbar/  
Der in seiner schar begriffen war/  
Volehren/auch on laster frey/  
Die bösen strafft man zur abschew.

Gottsfurcht vnd zucht het bey in platz/  
Ordnung vnd ghorsam war jr gsatz.

Fasten vnd betten war im brauch/  
Gsatz vnd vernunfft regiert den Bauch.

**A**ch Gott wie hats sich ombgefert,

Das zuvor nimmer ward erhört/  
Das regiert jez der Teutschen schar/  
Bauch geiz sie hat eingnommen gar.

Alt Teutsches wesen liebt ihn nit mehr/  
Das frembd vnd Welsch gfelt ihn zu sehr.

Wie man lebt/also folgt das gluck/  
Die straff kompt nach der sünden tück.

Das vnser Eltern han bekommen/  
Dasselb das ist vns wider gnommen.

Das

Das

Das

Das

Das

Das

Das

Das

Das

Das

Das

Das

## Ein ermanung an die

Was noch vberig ist vorhanden/  
Das geht auch täglich auß den handen.  
Gfar vnd vnfallsich zu vns naht/  
Aber diß alls wird wenig geacht/  
Wann es nun geht nach vnserm Sinn  
Vnd fürgang hat der Bracht vnd gewinn/  
Wann nun Bauch/Beutel wirt vernügt/  
So giltß vns gleich wie es sich fügt/  
Mit vnserm lieben Vatterlandt/  
Daß es drob graht inn bösen Standt.  
**S** Ewissen vnd Religion/  
Bleiben auch drob dahinden ston/  
Wen man bekrieg gilt vns geleich/  
Tyranney ist vns kein abscheuh.  
**A** lso wirt man der Frembden spot/  
Dürffen sie vnser in der not/  
Vnns Gelt sie vns führen hinein/  
Gleich wie die Räden an die Schwein/  
Oder lassen vns dahin sterben/  
Schier ärger dann kein Bich verderben.  
Die zahlung folgt nit zu jr zeit/  
Zulezt sie auch gar stecken bleibt/  
So gar werden wir nichts geacht/  
Vnd wie Esel von in verlacht/  
Vnd ist in ein gewünschtes spiel/  
Das vns verfürt so blinder will/

Das

## Frommen Teutschen.

Das Tugend/Ehr bey vns abnimbt/  
Das keiner zu dem andern stimbt/  
Vnd das der alte Teutsche mut/  
Vns Teutschen gar entpfallen thüt.  
Das wir ihr schmach vnd vnrecht leiden/  
Vnd doch jr dienst darumb nit meiden.

**A**ch ihr Teutschen bedenckt es recht/  
Macht euch nit also selbs zu Knecht/  
Vnd trachtet solchem für zukommen/  
Als wol ansteht Teutschen vnd frommen.

Last alten Teutschen Nam vnd Ehr  
Nit fallen/vnd abgehn so sehr.  
Last euch frembd gelt nit also blenden/  
Das ihr euch drüber selbs thüt schenden.

Bedenckt gemeine gfar vnd noth/  
Die das Vatterlandt ob ihm hat.  
**E**s Türcken macht vnd grosser gwalt:  
Auff vnsern hals je näher salt.

Die Christen König vmb vns herumb  
Die rupffen vns auch vmb vnd vmb/  
Da wir nit sehen besser zu/  
Fur vns wirt kosten vnser rhü.

Wann wir vol sein/vnd ligen schlaffen/  
Wachend sie/greiffen zu den Waffen.  
Vnd wissen wa wir stehen ganz bloß/  
Wa vns die Schlang ligt in der schosß/  
Durch

## Ermanung an die

Durch gelt vnd list sie Practiciern/  
Wie sie vns in zertrennung führen/  
Damit vnser vneinigkeith  
Inen mache den weg bereit/  
Ihren gewalt vnd Tyrannen  
Dest besser vns zubringen bey.

**W**erweckt ihr Edlen Teutschen gut  
Ewer alts hercz/ewer Edlen mut.  
Fast eiser vnd lieb zum Vatterland/  
Vnd macht euch selbs nit gar zu schand.

Thüt d'augen auff/vnd secht vmb bhendt/  
Erwischt einander bey der händt.

Gmüt vnd vernunft laßt euch regiren/  
Den gemeinen eiser trewlich führen.

Den frembden euch nit macht zuseil/  
Hab acht auff ewer gemeines Heil.

Ewer spiegel sey vil frembde Land/  
Die jetzt leiden not vnd schand/  
Durch zwitteracht/vnd durch frembden gewalt/  
Durch sünd vnd laster manigfalt.

**D**er Oberkeit thut kein aufsatz/  
Ergebt euch gemeinem recht vnd gsatz.

Da das regiert/da geht es wol/  
Ohn das/ist alles vnglücks vol.

Tracht ernstlich nach der einigkeit/  
Vnd lebt in güter fridsamkeit.

Die

## Frommen Teutschen.

Die glaubenssach laßt euch nit trennen/  
Gott wirt ein jeden wol erkennen.  
Leidet einander mit gedult/  
Seins gwissens jeder tregt die schuldt.  
Ein jeder fehr vor seiner Thür/  
Schelt nit was anders theils laufft für.  
Gott wirt zu seiner zent wol richten/  
Uns ist nit möglich jetzt zu schlichten.  
Weil das gmeyn wesen auffrecht stahet/  
Ein andre zent gibt bessern rhat/  
Wann durch ewer büß/vnd Gottes gnad/  
Sein gerechte straff für vber gahet.  
Nit brauchet die Religion  
Zum deckmantel ewers bösen thün.  
Dem andern laß jeder das sein/  
Das wirt sein ewer beste vereyn.  
Vom Friden laßt euch nit abwenden/  
Frembd rhat/frembd hilff euch nit laßt blenden/  
Ein süßes Honig/ein heimlich gift/  
Das all Land hat jezeit vergift.  
**O** Weh der Teutschen Nation/  
Vnd der alten Religion/  
Wann sie durch frembd hilff soll bestahn/  
Also wirt man zu grunde gahn/  
Stimbt zu mit ewer Oberkeit/  
Erzeigt jr schuldigghorsamkeit.

Lasset


## An die frommen Teutschen.

Lasset sie mit euch sein zum spott/  
Damit ihr nit erzürnet Gott.  
Reicht ihr mit willen gern die handt/  
Weil sie bleibt/werdt ihr nit zu schandt.  
Ihr stercke die ist ewer schutz/  
Damit thut ewern Feinden trutz.  
Allzeitlich wolhart darauff stahet/  
Das man gu eyn nutz vor augen hat.  
Gottsforch und eifer zu seiner Ehr/  
Das ist die allerhöchste Lehr/  
Darausz das ander auch entspringt/  
Und zeitlichs hie/dort Ewigs bringt.

Ende.










deutschen Becker.

Die **Erma-**  
nime Teutsche / als  
Vatterlands ruhm vnd  
eil vnd wolffart / in  
ihm höchsten soll  
sein.



1582



Farbkarte #13

B.I.G.

Blue Cyan Green Yellow Red Magenta White 3/Color Black